

## **Сандықтау ауданы бойынша коммуналдық қалдықтардың түзілу және жинақталу нормаларын есептеу қағидаларын бекіту туралы**

Ақмола облысы Сандықтау ауданы әкімдігінің 2025 жылғы 27 тамыздағы № А-7/167 қаулысы

Қазақстан Республикасы Экологиялық кодексі 365-бабы 4-тармағының 6) тармақшасы, "Коммуналдық қалдықтардың түзілу және жинақталу нормаларын есептеудің үлгілік қағидаларын бекіту туралы" Қазақстан Республикасы Экология, геология және табиғи ресурстар министрінің 2021 жылғы 1 қыркүйектегі № 347 бұйрығына сәйкес, Сандықтау ауданының әкімдігі **ҚАУЛЫ ЕТЕДІ:**

1. Сандықтау ауданы бойынша қоса беріліп отырған коммуналдық қалдықтардың түзілу және жинақтау нормаларын есептеудің қағидалары бекітілсін.
2. Осы қаулының орындалуын бақылау Сандықтау ауданы әкімінің орынбасарына жүктелсін.
3. Осы қаулы оның алғашқы ресми жарияланған күнінен кейін күнтізбелік он күн өткен соң қолданысқа енгізіледі.

*Сандықтау ауданының әкімі*

*С.Құдабай*

Сандықтау ауданы әкімдігінің  
2025 жылғы 27 тамыздағы  
№ А-7/167 қаулысымен  
бекітілген

## **Коммуналдық қалдықтардың түзілу және жинақтау нормаларын есептеудің үлгілік қағидалары**

### **1-тарау. Жалпы ережелер**

1. Осы коммуналдық қалдықтардың түзілу және жинақтау нормаларын есептеудің үлгілік қағидалары (бұдан әрі – Қағидалар) "Коммуналдық қалдықтардың түзілу және жинақтау нормаларын есептеудің үлгілік қағидаларын бекіту туралы" Қазақстан Республикасы экология, геология және табиғи ресурстар министрінің 2021 жылғы 1 қыркүйектегі № 347 бұйрығына сәйкес әзірленді және коммуналдық қалдықтардың түзілу және жинақтау нормаларын есептеудің тәртібін айқындайды.

2. Коммуналдық қалдықтар деп мынадай тұтыну қалдықтары түсініледі:

1) өзгелермен қатар қағаз бен картон, шыны, металдар, пластмас, органикалық қалдықтар, сүрек, тоқыма, қаптама, пайдаланылған электр және электрондық жабдықтар, батарея мен аккумуляторлар қоса алғанда, үй шаруашылықтарының аралас қалдықтар мен бөлек жиналған қалдықтар;

2) егер аралас қалдықтар және басқа көздерден бөлек жиналған қалдықтар өзінің сипаты мен құрамы бойынша үй шаруашылықтарының қалдықтарына ұқсас болса, осындай қалдықтар.

Коммуналдық қалдықтарға өндіріс, ауыл шаруашылығы, орман шаруашылығы, балық аулау, септик мен кәріз желілер, сондай-ақ сарқынды судың тұнбасын қоса алғанда, тазарту құрылыс жайлары қалдықтар, пайдаланудан шығып қалған көлік құралдар немесе құрылыс қалдықтар кірмейді.

Тұтыну қалдықтарына адамның тыныс-тіршілік әрекеті нәтижесінде түзілген қалдықтар, өзінің тұтыну қасиеттерін толық немесе ішінара жоғалтқан өнімдер және (немесе) бұйымдар, олардың қаптамасы және агрегаттық жай-күйіне қарамастан жарамдылық не пайдалану мерзімі біткен, сондай-ақ меншік иесі өз бетінше физикалық түрде құтылған не тұтыну қалдықтарының қатарына құжатпен аударған өзге де заттар немесе олардың қалдықтары жатады.

3. Коммуналдық қалдықтардың қауіпті құрауыштары (электрондық және электр жабдықтар, құрамында сынап бар қалдықтар, батареялар, аккумуляторлар және өзге де қауіпті құрамдастар) бөлек жиналуға және арнайы бейімделген кәсіпорындарға қалпына келтіруге берілуге тиіс.

## **2-тарау. Коммуналдық қалдықтардың түзілу және жинақтау нормаларын есептеу тәртібі**

4. Коммуналдық қалдықтардың түзілу және жинақтау нормалары тұрғын үй қорының барлық объектілері, тұрғын емес үй-жайлар үшін жеке-жеке белгіленеді.

5. Коммуналдық қалдықтардың түзілу және жинақтау нормалары осы Қағидаларға 1-қосымшаға сәйкес тұрғын үй қорының барлық объектілері үшін және тұрғын емес үй-жайлар бойынша анықталады.

6. Коммуналдық қалдықтардың түзілу және жинақтау нормалары кейіннен есептік бірлікке жинақталу көлемін кейін есептей отырып, заттай өлшеу жүргізу жолымен анықталады.

7. Заттай өлшеулер жүргізу үшін көріктендіру әртүрлі деңгейі бар екі үлгідегі тұрғын үй қорының объектілеріне бөлінеді:

1) тұтынушыларға коммуналдық қызметтерді ұсыну үшін пайдаланылатын үйшілік инженерлік коммуникациялары мен жабдықтары бар жайлы тұрғын үй;

2) тұтынушыларға коммуналдық қызмет көрсету үшін пайдаланылатын үйшілік инженерлік коммуникациялары мен жабдықтары жоқ жайлы емес тұрғын үй.

8. Халықтан түзілетін коммуналдық қалдықтардың түзілу және жинақтау нормаларын айқындау үшін тұрғын халықтың мынадай саны бар учаскелеріне бөлінеді:

тұрғындарының саны 300 мың адамға дейінгі елді мекендерде учаскелер абаттандырудың әрбір түрі бойынша тұрғындардың жалпы санының 2%-ын қамти отырып таңдалады;

халқының саны 300-ден 500 мың адамға дейінгі елді мекендерде – 1 %;

тұрғындарының саны 500 мың адамнан асатын елді мекендерде – 0,5% (оның ішінде жайлы емес сектор бойынша кемінде 500 адам).

9. Таңдап алынған объектілерде өлшеу жүргізу алдында жергілікті атқарушы органдар коммуналдық қалдықтарды жинау мен шығаруды жүзеге асыратын ұйымдармен бірлесіп, осы Қағидаларға 2-қосымшаға сәйкес нысандар бойынша тұрғын қоры мен тұрғын емес үй-жайлардың коммуналдық паспортын жасайды.

10. Түзілген және жинақталған коммуналдық қалдықтардың массасы мен көлемін анықтау үшін өлшеу сызғышы мен салмақ өлшеу жабдығы пайдаланылады.

11. Өлшеу алдында контейнердегі қалдықтар коммуналдық қалдықтарды жинау мен шығаруды жүзеге асыратын ұйыммен теңестіріледі және өлшеу сызғышының көмегімен қалдықтардың көлемі анықталады.

12. Жинақталған қалдықтардың массасы толтырылған контейнерлерді өлшеу және коммуналдық қалдықтарды жинау мен шығаруды жүзеге асыратын ұйымның бос контейнердің массасын одан әрі шегеру жолымен айқындалады.

13. Бір учаскеде түзілген және жинақталған қалдықтардың жалпы көлемі арнайы техниканың (қоқыс тасығыштың) шанағын толтырған және басқа учаскелерден қоқысты тиеу мүмкін болмаған кезде, қалдықтардың массасын қоқыс тиелген және бос машиналарды автомобиль таразысында өлшеу жолымен анықтауға жол беріледі.

14. Түзілген және жинақталған қалдықтардың массасы мен көлемі жөніндегі деректерді жергілікті атқарушы орган Қағидаларға 3-қосымшаға сәйкес нысан бойынша бастапқы жазба бланкісіне енгізеді.

15. Өлшеу бойынша бастапқы материалдарды өңдегеннен кейін әрбір объектінің алынған деректері (массасы, көлемі) аптаның күндері бойынша қосылады және жергілікті атқарушы орган Қағидаларға 4-қосымшаға сәйкес нысан бойынша коммуналдық қалдықтардың түзілуі мен жинақталуының жиынтық маусымдық ведомосына енгізеді.

16. Маусымдық өлшеулер жүргізілгеннен кейін жергілікті атқарушы орган осы Қағидаларға 5-қосымшаға сәйкес нысан бойынша коммуналдық қалдықтардың түзілуі мен жинақталуының жиынтық жылдық ведомосына деректерді (масса, көлем) енгізеді.

17. Белгілі бір объекті бойынша өлшеу болжанып отырған коммуналдық қалдықтарды жинағанда басқа объектілердің коммуналдық қалдықтары араласып кетпеуге.

18. Қалдықтардың жинақталуын анықтаған кезде бірдей сыйымдылықтағы стандартты контейнерлер пайдаланылады. Қалдықтарды барынша толық есепке алу және біркелкі емес түзілу мен жинақтау коэффициентін анықтауға қосымша контейнерлер орнату көзделеді, оларды орнату қажеттілігі мен олардың саны таңдап алынған учаскелерді тексерген кезде нақтыланады.

Барлық контейнерлер толығымен тазалануы керек:

1) күн сайын әкету кезінде – өлшеу басталғанға дейін бір тәулік бұрын;

2) кесте бойынша әкету кезінде күн сайын – кесте бойынша әкетудің соңғы күні өлшеу аптасының алдында.

19. Өлшеу басталғанға дейін бір тәулік бұрын коммуналдық қалдықтарды жинау мен шығаруды жүзеге асыратын ұйым барлық контейнерлерді толық тазартуы тиіс.

20. Өлшеу бойынша бастапқы материалдарды өңдеу олар жүргізілгеннен кейін келесі күннен кешіктірілмей жүргізіледі.

### **3-тарау. Коммуналдық қалдықтардың түзілу және жинақтау нормаларын есептеу**

21. Коммуналдық қалдықтардың түзілу және жинақтау нормаларын есептеу былайша жүргізіледі:

1) бір тәулікте объектіде коммуналдық қалдықтарды жинақтауға арналған бір контейнерде түзілген және жинақталған қалдықтардың көлемін анықтау ( $V_{\text{конт}}$ , м<sup>3</sup>):

$$V_{\text{конт}} = h \cdot S$$

мұндағы  $h$  - контейнердің түбінен бастап жинақталған коммуналдық қалдықтардың жоғарғы нүктесіне дейінгі биіктік, м;

$S$  – контейнер түбінің алаңы, м<sup>2</sup>;

2) контейнерлік алаңда коммуналдық қалдықтардың түзілуі мен жинақталуының жалпы көлемін анықтау ( $V_{\text{тәу}}$ , м<sup>3</sup>), егер контейнерлік алаңда коммуналдық қалдықтарды жинақтауға арналған контейнерлердің саны бірден артық болса:

$$V_{\text{тәу}} = V_{\text{конт1}} + V_{\text{конт2}} + V_{\text{конт3}} \dots$$

мұндағы  $V_{\text{конт1}}$ ,  $V_{\text{конт2}}$ ,  $V_{\text{конт3}}$  – контейнерлік алаңда орналасқан әрбір контейнер бойынша коммуналдық қалдықтардың түзілуі мен жинақталуының тәуліктік көлемі. Есептеу контейнерлік алаңда орналасқан контейнердің санына байланысты жүргізіледі;

3) коммуналдық қалдықтарды жинақтауға арналған контейнерде жинақталған коммуналдық қалдықтардың тәуліктік массасын анықтау ( $m_{\text{конт}}$ , кг) мынадай формула бойынша жүргізіледі:

$$m_{\text{конт}} = m_3 - m_{\text{п}}$$

мұндағы  $m_3$  – қалдықтар тиелген контейнердің массасы, кг;

$m_{\text{п}}$  – қалдықтардан бос контейнердің массасы, кг;

4) объектіде түзілген коммуналдық қалдықтардың тәуліктік массасын анықтау ( $m_{\text{тәу}}$ , кг) мынадай формула бойынша жүргізіледі:

$$m_{\text{тәу}} = m_{\text{конт1}} + m_{\text{конт2}} + m_{\text{конт3}} \dots$$

мұндағы  $m_{\text{конт1}}$ ,  $m_{\text{конт2}}$ ,  $m_{\text{конт3}}$  – контейнерлік алаңда орналасқан әрбір контейнер бойынша коммуналдық қалдықтардың тәуліктік массасы. Есептеу контейнерлік алаңда орналасқан контейнерлердің санына байланысты жүргізіледі;

5) өлшеулер контейнерлік алаңнан қалдықтарды шығарғанға дейін тәуліктің бір уақытында жүргізіледі. Өлшеулерді жүргізу кезеңі: жеті күн (үзіліссіз).

Өлшеулерді жүргізу мерзімдері: қыс-желтоқсан, қаңтар, ақпан; көктем-наурыз, сәуір, мамыр; жаз-маусым, шілде, тамыз; күз-қыркүйек, қазан, қараша.

Маусымдық кезең ішінде объектіде түзілген коммуналдық қалдықтардың көлемін анықтау ( $V_{\text{маус}}$ , м<sup>3</sup>) мынадай формула бойынша жүргізіледі:

$$V_{\text{маус}} = V_{\text{тәу1}} + V_{\text{тәу2}} + \dots + V_{\text{тәу7}}$$

мұндағы  $V_{\text{тәу1}}$ ,  $V_{\text{тәу2}}$  – белгілі бір маусымда әр тәулік ішінде объектіде пайда болған коммуналдық қалдықтардың көлемі;

б) маусымдық кезең ішінде объектіде пайда болған коммуналдық қалдықтардың көлемін анықтау ( $m_{\text{маус}}$ , кг) мынадай формула бойынша жүргізіледі:

$$m_{\text{маус}} = m_{\text{тәу1}} + m_{\text{тәу2}} + \dots + m_{\text{тәу7}}$$

мұндағы  $m_{\text{тәу1}}$ ,  $m_{\text{тәу2}}$  – белгілі бір маусымда тәулік ішінде объектідегі коммуналдық қалдықтардың массасы;

7) объектіде коммуналдық қалдықтардың түзілу көздерінің санынан коммуналдық қалдықтардың орташа маусымдық нормасын анықтау мынадай формула бойынша жүргізіледі:

көлемі бойынша ( $V_{\text{тм}}$ , м<sup>3</sup>):

$$V_{\text{тм}} = V_{\text{маус}} / (n \times a)$$

массасы бойынша ( $m_{\text{тм}}$ , кг):

$$m_{\text{тм}} = m_{\text{маус}} / (n \times a)$$

мұндағы  $n$  – маусымдық кезең ішінде бақылау тәулігінің саны;

$a$  – есептік бірліктің саны.

8) объектіде есептік бірлікке коммуналдық қалдықтардың тәуліктік орташа жылдық нормасын анықтау мынадай формула бойынша жүргізіледі:

көлемі бойынша ( $V_{\text{том}}$ , м<sup>3</sup>):

$$V_{\text{том}} = (V_{\text{ктм}} + V_{\text{ктм}} + V_{\text{жтм}} + V_{\text{күтм}}) / n$$

массасы бойынша ( $m_{\text{том}}$ , кг):

$$m_{\text{том}} = (m_{\text{ктм}} + m_{\text{ктм}} + m_{\text{жтм}} + m_{\text{күтм}}) / n$$

мұндағы жоғарғы индекстер "к", "к", "ж", "кү" – қыста – "к", көктемде – "к", жазда – "ж", күзде "кү" – есептік бірлікте тиісінше қалдықтар пайда болуының тәуліктік орташа маусымдық нормативтерін білдіреді;

$n$  – қалдықтар пайда болған маусымның саны ( $n=4$ ).

9) Объектіде есептік бірлікте коммуналдық қалдықтардың пайда болуымен жинақталуының жылдық нормасын анықтау мынадай формула бойынша жүргізіледі:

көлемі бойынша ( $V_{\text{ж}}$ , м<sup>3</sup>):

$$V_{\text{ж}} = V_{\text{тож}} \times n_{\text{к}}$$

массасы бойынша ( $m_{\text{ж}}$ , кг):

$$m_{\text{ж}} = m_{\text{тож}} \times n_{\text{к}}$$

мұндағы  $n_{\text{к}}$  – жылдағы күннің саны.

22. Коммуналдық қалдықтардың орташа тығыздығын анықтау, коммуналдық қалдықтардың түзілуі мен жинақталуының маусымдық және тәуліктік біртекті емес коэффициентін анықтауға қосымша мынадай есеп жүргізіледі:

1) коммуналдық қалдықтардың орташа тығыздығын анықтау ( $\rho$ , кг/ м<sup>3</sup>) мынадай формула бойынша жүргізіледі:

$$\rho = m/V,$$

мұндағы  $m$  және  $V$  – есептік бірлікте тиісінше массасы мен көлемі бойынша коммуналдық қалдықтардың түзілуі мен жинақталуының жылдық немесе орташа маусымдық нормативтері;

2) коммуналдық қалдықтардың түзілуі мен жинақталуының маусымдық біртекті емес коэффициентін ( $k_{бе}$ ) анықтау мынадай формула бойынша жүргізіледі:

көлемі бойынша:

$$k_{бе} = V_{тм}/V_{ж}$$

массасы бойынша:

$$k_{бе} = m_{тм}/m_{ж}$$

3) коммуналдық қалдықтардың түзілуі мен жинақталуының тәуліктік маусымдық біртекті емес коэффициентін анықтау мынадай формула бойынша жүргізіледі:

көлемі бойынша:

$$k_{мбе} = V_{мах. тәу}/V_{тм},$$

мұндағы  $V_{мах. тәу}$  – маусымда объектідегі коммуналдық қалдықтардың түзілуі мен жинақталуының ең жоғарғы тәуліктік көлемі, м<sup>3</sup>

массасы бойынша:

$$k_{мбе} = m_{мах. тәу}/m_{тм},$$

мұндағы  $m_{мах. тәу}$  – маусымда объектідегі коммуналдық қалдықтардың түзілуі мен жинақталуының ең жоғарғы тәуліктік массасы, кг.

23. Нақты және есептік жылдық көлемді салыстыру үшін коммуналдық қалдықтардың пайда болуы мен жинақталуының есептік бірлікте белгіленген жылдық нормативтері есептік бірліктің санына көбейтіледі. Алынған коммуналдық қалдықтардың түзілуінің есептік жылдық көлемінің айырмасы олардың дәл сол объектіде бір жыл ішінде нақты жинақталуының бес пайызынан аспауға тиіс. Есепті және нақты деректерде бес пайыздан артық айырма болған жағдайда коммуналдық қалдықтардың түзілуінің сараланған нормативтері олар түзілетін негізгі объектілер бойынша талап етілген қателіктермен нәтижеге шыққанға дейін түзетіледі.

Коммуналдық қалдықтардың  
түзілу және жинақтау  
нормаларын есептеудің үлгілік  
қағидаларына  
1-қосымша

**Тұрғын үй қоры мен тұрғын емес үй-жайлар объектілерінің түрлері**

| №   | Коммуналдық қалдықтар<br>жинақталатын объектілер                                                                                                     | Есептік бірлік      |
|-----|------------------------------------------------------------------------------------------------------------------------------------------------------|---------------------|
| 1.  | Жайлы және жайлы емес үйлер                                                                                                                          | 1 тұрғын            |
| 2.  | Жатақханалар, интернаттар,<br>балалар үйлері, қарттар үйлері<br>және сол сияқтылар                                                                   | 1 орын              |
| 3.  | Қонақ үйлер, санаторийлер,<br>демалыс үйлері                                                                                                         | 1 орын              |
| 4.  | Балабақшалар, бөбекжай және<br>басқа да мектепке дейінгі<br>мекемелер                                                                                | 1 орын              |
| 5.  | Мекемелер, ұйымдар, офистер,<br>кеңселер, банктер, байланыс<br>бөлімшелері                                                                           | 1 қызметкер         |
| 6.  | Емханалар, медициналық<br>орталықтар                                                                                                                 | 1 келіп кету        |
| 7.  | Ауруханалар, өзге де<br>емдеу-сауықтыру мекемелері                                                                                                   | 1 төсек-орын        |
| 8.  | Мектептер және өзге де оқу<br>орындары                                                                                                               | 1 оқушы             |
| 9.  | Мейрамханалар, дәмханалар,<br>басқада көңіл көтеретін<br>ғимараттар және қоғамдық<br>тамақтану мекемелері                                            | 1 отыратын орын     |
| 10. | Театрлар, кинотеатрлар, концерт<br>залдары, түнгі клубтар,<br>ойынханалар, ойын<br>автоматтарының залы,<br>интернет-кафелер, компьютерлік<br>клубтар | 1 отыратын орын     |
| 11. | Мұражайлар, көрмелер                                                                                                                                 | Жалпы алаңы 1 м2    |
| 12. | Стадиондар, спорт алаңдары                                                                                                                           | Жоба бойынша 1 орын |
| 13. | Спорт, би және ойын залдары                                                                                                                          | Жалпы алаңы 1 м2    |
| 14. | Азық-түлік, өнеркәсіптік тауар<br>дүкендері, супермаркеттер                                                                                          | сауда алаңы 1 м2    |
| 15. | Машиналардан сату                                                                                                                                    | сауда орнының 1 м2  |
| 16. | Базарлар, сауда павильондары,<br>дүңгіршектер, сөрелер                                                                                               | Сауда алаңы 1 м2    |
| 17. | Өнеркәсіптік, азық-түлік<br>тауарларының көтерме базалары,<br>қоймалары                                                                              | Жалпы алаңы 1 м2    |
| 18. | Тұрмыстық қызмет көрсету үйі:<br>халыққа қызмет көрсету                                                                                              | Жалпы алаңы 1 м2    |
| 19. | Вокзалдар, автовокзалдар,<br>әуежайлар                                                                                                               | Жалпы алаңы 1 м2    |
| 20. | Жағажайлар, жолдардан көше<br>сметалары                                                                                                              | Жалпы алаңы 1 м2    |
| 21. | Дәріханалар                                                                                                                                          | Сауда алаңы 1 м2    |

|     |                                                                                                    |                  |
|-----|----------------------------------------------------------------------------------------------------|------------------|
| 22. | Автотұрақтар, автомобильді жуу орындары, АЖС                                                       | 1 машина-орын    |
| 23. | Автомобиль шеберханалары                                                                           | 1 жұмысшы        |
| 24. | Гараж кооперативтері, гараждар, паркингтер                                                         | 1 гаражға        |
| 25. | Шаштараздар, косметикалық салондар                                                                 | 1 жұмыс орны     |
| 26. | Кір жуатын орындар, химиялық тазалау орындары, тұрмыстық техниканы жөндеу орындары, тігін ательесі | Жалпы алаңы 1 м2 |
| 27. | Зергерлік, аяқ киімді, сағаттарды жөндеу шеберханалары                                             | Жалпы алаңы 1 м2 |
| 28. | Кішігірім жөндеу және қызмет көрсету орындары (кілттер жасау және сол сияқтылар.)                  | 1 жұмыс орны     |
| 29. | Моншалар, сауналар                                                                                 | Жалпы алаңы 1 м2 |
| 30. | Қала аумағында жаппай іс-шаралар ұйымдастыратын заңды, саябақ қалдықтары                           | 1000 қатысушы    |
| 31. | Бау-бақша кооперативтері                                                                           | 1 учаске         |

Коммуналдық қалдықтардың  
түзілу және жинақтау  
нормаларын есептеудің үлгілік  
қағидаларына  
2-қосымша

Нысан

### Тұрғын үй қоры объектісінің коммуналдық паспорты

Елді мекен, аудан, облыс \_\_\_\_\_

1. Мекенжайы \_\_\_\_\_

2. Қабаттылығы \_\_\_\_\_

3. Үйдің нөмірі \_\_\_\_\_

4. Тұрып жатқан адамдардың саны, адам \_\_\_\_\_

5. Жайлылық деңгейі: \_\_\_\_\_

а) су құбырының, газдың, кәріздің болуы \_\_\_\_\_

б) жылу беру түрі (орталықтан, пешпен, жергілікті) \_\_\_\_\_

в) отынның түрі - көмір (тас көмір, қоңыр темір), ағаш отын, газ \_\_\_\_\_

г) қоқыс құбырының болуы \_\_\_\_\_

д) аула аумағының алаңы, м2 \_\_\_\_\_

жасыл екпелер бар \_\_\_\_\_

жабыны қатты \_\_\_\_\_

оның ішінде жаяусоқпақтар \_\_\_\_\_

6. Контейнерлердің түрі, олардың саны және сыйымдылығы \_\_\_\_\_
7. Қалдықтарды шығару кезеңділігі \_\_\_\_\_
8. Тамақ қалдықтары мен қайталама шикізатты бөлек жинау жүргізіле ме (қандай және қанша) \_\_\_\_\_
9. Қайталама шикізатты шығару кезеңділігі \_\_\_\_\_
10. Тамақ қалдықтарын шығару кезеңділігі \_\_\_\_\_
11. Қауіпті қалдықтарды бөлек жинау жүргізіле ме (қандай және қанша фракция) \_\_\_\_\_

Қолдары:

Т.А.Ә. (болған жағдайда), лауазымы

Нысан

Тұрғын емес үй-жайлар объектілерінің коммуналдық паспорты

Елді мекен, аудан, облыс \_\_\_\_\_

1. Объектінің атауы \_\_\_\_\_
2. Мекенжайы \_\_\_\_\_
3. Жапсарлас салынған немесе жеке тұрған (соңғысының қабатын көрсету қажет) \_\_\_\_\_

4. Есеп айырысу бірліктерінің саны (қызметкерлер және т. б.) \_\_\_\_\_
5. Тәулігіне өткізу қабілеті: \_\_\_\_\_  
ойын-сауық кәсіпорындары үшін (орын саны) \_\_\_\_\_  
қоғамдық тамақтану кәсіпорындары үшін (тағам түрі) \_\_\_\_\_
6. Қызмет көрсететін персоналдың саны, адам \_\_\_\_\_
7. Үй-жайдың жалпы алаңы, м<sup>2</sup> \_\_\_\_\_  
сауда алаңы \_\_\_\_\_  
қоймалық және қосалқы алаң \_\_\_\_\_
8. Аула аумағының алаңы, м<sup>2</sup> \_\_\_\_\_  
жасыл екпелер бар \_\_\_\_\_  
жабын қатты \_\_\_\_\_
9. Контейнерлердің типі, олардың саны және сыйымдылығы \_\_\_\_\_
10. Қалдықтарды шығару кезеңділігі \_\_\_\_\_
11. Тамақ қалдықтары мен қайталама шикізатты бөлек жинау жүргізіле ме (қандай және қанша) \_\_\_\_\_
12. Қайталама шикізатты шығару кезеңділігі \_\_\_\_\_
13. Тамақ қалдықтарын шығару кезеңділігі \_\_\_\_\_

14. Қауіпті қалдықтарды бөлек жинау жүргізіле ме (қандай және қанша фракция) \_\_\_\_

Қолдары:

Т.А.Ә. (болған жағдайда), лауазымы

Коммуналдық қалдықтардың  
түзілу және жинақтау  
нормаларын есептеудің үлгілік  
қағидаларына  
3-қосымша

Нысан

**Бастапқы жазба бланкісі**

(күні)

объектісі бойынша

(атауы, мекенжайы)

| Контейнердің<br>р/с №       | Жиналған<br>қалдықтар<br>қабатының<br>биіктігі, h, м | Контейнер<br>негізінің<br>алаңы, S, м <sup>2</sup> | Контейнердегі<br>қалдықтардың<br>көлемі, V, h<br>*S, м <sup>3</sup> | Қалдықтар<br>тиелген<br>контейнердің<br>массасы (қоқыс<br>тасығыш), m <sup>3</sup> ,<br>кг | Б о с<br>контейнердің<br>массасы (қоқыс<br>тасығыш), m <sup>3</sup> ,<br>кг | Контейнердегі<br>қалдықтардың<br>массасы,<br>m <sup>3</sup> -m <sup>3</sup> |
|-----------------------------|------------------------------------------------------|----------------------------------------------------|---------------------------------------------------------------------|--------------------------------------------------------------------------------------------|-----------------------------------------------------------------------------|-----------------------------------------------------------------------------|
| 1                           |                                                      |                                                    |                                                                     |                                                                                            |                                                                             |                                                                             |
| 2                           |                                                      |                                                    |                                                                     |                                                                                            |                                                                             |                                                                             |
| ....                        |                                                      |                                                    |                                                                     |                                                                                            |                                                                             |                                                                             |
| Тәулік<br>ішіндегі<br>жиыны |                                                      |                                                    | V <sub>тәу</sub>                                                    |                                                                                            |                                                                             | m <sub>тәу</sub>                                                            |

Коммуналдық қалдықтардың  
түзілу және жинақтау  
нормаларын есептеудің үлгілік  
қағидаларына  
4-қосымша

Нысан

**Объектілердің топтары бойынша коммуналдық қалдықтардың түзілу мен жиналуының жиынтық айлық (маусымдық) ведомосі**

20\_\_ жылғы "\_\_\_" \_\_\_\_\_ бастап "\_\_\_" \_\_\_\_\_ дейін

Жайлылық типі \_\_\_\_\_

| Аптаны<br>ң<br>күндері | Объекті<br>нің<br>атауы | Объекті<br>нің | Есептік<br>бірлікті<br>ң саны | Жинақталған коммуналдық<br>қалдықтардың көлемі/массасы |                    | Орташа<br>тығызды | Барлығы қайталам<br>а шикізат іріктеп<br>алынды (бөлек<br>жинаған кезде) |
|------------------------|-------------------------|----------------|-------------------------------|--------------------------------------------------------|--------------------|-------------------|--------------------------------------------------------------------------|
|                        |                         |                |                               | жалпы                                                  | 1 есептік бірлікке |                   |                                                                          |
|                        |                         |                |                               |                                                        |                    |                   |                                                                          |

|              |  | қызмет<br>түрі |  | кг | м3 | кг | м3 | ғы, кг/<br>м3 | кг | м3 |
|--------------|--|----------------|--|----|----|----|----|---------------|----|----|
| Дүйсенб<br>і |  |                |  |    |    |    |    |               |    |    |
| Сейсенб<br>і |  |                |  |    |    |    |    |               |    |    |
| Сәрсенб<br>і |  |                |  |    |    |    |    |               |    |    |
| Бейсенбі     |  |                |  |    |    |    |    |               |    |    |
| Жұма         |  |                |  |    |    |    |    |               |    |    |
| Сенбі        |  |                |  |    |    |    |    |               |    |    |
| Жексенб<br>і |  |                |  |    |    |    |    |               |    |    |

Қолдары:

Т.А.Ә. (болған жағдайда), лауазымы

Коммуналдық қалдықтардың  
түзілу және жинақтау  
нормаларын есептеудің үлгілік  
қағидаларына  
5-қосымша

Нысан

## Коммуналдық қалдықтардың түзілуі мен жинақталуының жиынтық жылдық ведомосі

Жайлылық типі \_\_\_\_\_

| Объект | Ай | Өлшенетін бірліктің саны | Қалдықтардың жиналуы |    |                      |    | Біртекті емес коэффициент |    | Бөлек жинау, кг |    |                      |    |
|--------|----|--------------------------|----------------------|----|----------------------|----|---------------------------|----|-----------------|----|----------------------|----|
|        |    |                          | жалпы                |    | өлшенетін 1 бірлікке |    |                           |    | жалпы           |    | өлшенетін 1 бірлікке |    |
|        |    |                          | м3                   | кг | м3                   | кг | м3                        | кг | м3              | кг | м3                   | кг |
| 1      | 2  | 3                        | 4                    | 5  | 6                    | 7  | 8                         | 9  | 10              | 11 | 12                   | 13 |
|        |    |                          |                      |    |                      |    |                           |    |                 |    |                      |    |
|        |    |                          |                      |    |                      |    |                           |    |                 |    |                      |    |
|        |    |                          |                      |    |                      |    |                           |    |                 |    |                      |    |
|        |    |                          |                      |    |                      |    |                           |    |                 |    |                      |    |
|        |    |                          |                      |    |                      |    |                           |    |                 |    |                      |    |
|        |    |                          |                      |    |                      |    |                           |    |                 |    |                      |    |

Барлығы \_\_\_\_\_

Тәулігіне орташа \_\_\_\_\_

Қолдары \_\_\_\_\_

Т.А.Ә. (болған жағдайда), лауазымы \_\_\_\_\_